



**Ana María Cacharrón Castelos, secretaria xeral do Concello de Bergondo (A Coruña)**

**CERTIFICO:** Que, con data xoves 26 de outubro de 2017, o Pleno do Concello de Bergondo, en sesión ordinaria, adoptou, entre outros, o acordo que de seguido se transcribe na súa parte dispositiva:

### **"3. APROBACIÓN INICIAL DA MODIFICACIÓN 2ª DA ORDENANZA MUNICIPAL REGULADORA DA ADMINISTRACIÓN ELECTRÓNICA DO CONCELLO DE BERGONDO. ACORDOS QUE PROCEDAN.**

Dáse conta da proposta de Alcaldía ditaminada favorablemente por unanimidade, pola Comisión Informativa de Asuntos do Pleno en xuntanza do 19 de outubro de 2017, que transcrita literalmente di:

"Visto o grao de implementación da Plataforma de tramitación electrónica da Deputación Provincial da Coruña -TEDeC- na tramitación dos distintos expedientes no Concello de Bergondo, polos distintos servizos, estase a acadar o obxectivo de tramitar a meirande parte dos procedementos no soporte esixido pola Lei 39/2015, do 1 de outubro, do procedemento administrativo común das Administracións Públicas.

Un dos procedementos máis adiantados nesta tramitación electrónica, son os expedientes de contratación, nas súas diversas modalidades de aberto, restrinxido ou negociado.

A Lei 39/2015, no seu artigo 14.2 indica quen está obrigado a relacionarse a través de medios electrónicos coa administración, entre os que están, as persoas xurídicas; entidades sen personalidade xurídica; quenes exerzan unha actividade profesional para a que se requira colexiación obrigatoria; quenes representen aos anteriores suxeitos, e os empregados das administracións públicas. Engadindo o seu apartado 3, o seguinte: *"Reglamentariamente, las Administraciones podrán establecer la obligación de relacionarse con ellas a través de medios electrónicos para determinados procedimientos y para ciertos colectivos de personas físicas que por razón de su capacidad económica, técnica, dedicación profesional u otros motivos quede acreditado que tienen acceso y disponibilidad de los medios electrónicos necesarios."*

Aínda que a meirande parte das empresas que se presentan ás licitacións son persoas xurídicas, aínda quedan empresarios individuais, persoas físicas, que non estarían encadrados dentro do artigo 14.2 da Lei 39/2015, pero sí pódeseles esixir ao abeiro do disposto neste apartado 3 do artigo 14 citado, que se relacionen con esta administración a través de medios electrónicos.

Considerando que o Concello de Bergondo pode realizar notificacións electrónicas, a través da Plataforma notifica.gal da Xunta de Galicia; e que ten publicado na súa páxina web uns tutoriais sobre cómo deben completar a súa alta na plataforma Notifica.gal, tanto as persoas xurídicas (obrigadas por lei), como as persoas físicas, no caso de querer recibir notificacións electrónicas do Concello de Bergondo.

Contando o Concello de Bergondo, cunha Ordenanza municipal reguladora da Administración Electrónica Municipal, publicada no BOP núm. 227 do 28.11.2012, a a súa modificación publicada no BOP núm. 60 do 31.03.2015, considérase que en aras a adecuar os procedementos en materia de contratación plenamente á súa tramitación electrónica íntegra, debe recollese a previsión citada no seu articulado.

Tendo en conta que o artigo 22.2.d) da Lei 7/1985, de 2 de abril, establece como competencia do pleno a aprobación das ordenanzas e regulamentos, pola presente propónse ao Pleno da Corporación que proceda a adoptar o seguinte ACORDO:



## CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

**PRIMEIRO.-** Ratificar o contido íntegro do expediente, e na súa consecuencia, aprobar inicialmente a modificación 2ª da Ordenanza Municipal reguladora da Administración Electrónica do Concello de Bergondo co contido que se transcribe como anexo deste acordo.

**SEGUNDO.-** Continuar a tramitación do expediente, remitindo Edicto ao Boletín Oficial da Provincia, a fin de que, de conformidade co disposto no artigo 49.b) da Lei 7/1985, de 2 de abril, se proceda á información pública e audiencia aos interesados durante o prazo de trinta días hábiles, que comezarán a contarse a partir do seguinte ao da devandita publicación, inseríndose copia do Edicto no taboleiro de anuncios deste concello.

**TERCEIRO.-** No caso de que se presenten reclamacións e/ou alegacións contra o citado expediente, procederase á súa resolución, previos os informes oportunos, polo Pleno Corporativo, procedéndose, unha vez resoltas, a aprobación definitiva do expediente e á publicación íntegra do texto da Ordenanza no Boletín Oficial da Provincia.

**CUARTO.-** Que no caso de que non se presenten reclamacións e/ou alegacións contra o expediente, considerárase que o mesmo queda aprobado definitivamente, sen necesidade de acordo posterior, procedendo de seguido á publicación indicada no apartado procedente, de conformidade co disposto no artigo 49.c) da Lei 7/1985, de 2 de abril, entrando en vigor unha vez que transcorra o prazo de quince días o que se refiren os artigos 70.2 e 65.2 da Lei 7/85, de 2 de abril, reguladora de Bases de Réxime Local.

### PROPOSTA DE MODIFICACIÓN 2ª DA ORDENANZA MUNICIPAL REGULADORA DA ADMINISTRACIÓN ELECTRONICA

Modificar o artigo 18.2 que quedaría redactado do seguinte xeito:

Artigo 18. Procedementos tramitados por vía electrónica

"(...)

2. De conformidade co disposto no artigo 14.3, en relación co 16.5, da Lei 39/2015, do 1 de outubro, do procedemento administrativo común das administracións públicas, será obrigatorio comunicarse con esta administración municipal a través de medios electrónicos nos procedementos administrativos enumerados na Disposición Adicional I, ao considerarse que os interesados son persoas xurídicas ou colectivos de persoas físicas que teñen garantizado o acceso e dispoñibilidade a medios tecnolóxicos axeitados, en canto a administración municipal dispoña dos medios técnicos axeitados e co alcance previsto en cada procedemento.

(...)"

Modificar o artigo 28.2 que quedaría redactado do seguinte xeito:

Artigo 28. A notificación por medios electrónicos

"(...)

2. Por excepción, de conformidade co disposto no artigo 14.2 da lei 39/2015, do 1 de outubro, do procedemento administrativo común das administracións públicas, e artigo 18.2 desta ordenanza será obrigatorio para os cidadáns que se relacionen con esta administración na tramitación dos procedementos administrativos enumerados na Disposición Adicional I a utilización da notificación por medios electrónicos, en canto a administración municipal dispoña dos medios técnicos axeitados."

Modificar as Disposición adicionais, pasando dunha única existente a dúas, coa seguinte redacción:

"DISPOSICIÓN ADICIONAL PRIMEIRA

Relación de procedementos administrativos nos que será obrigatorio comunicarse con esta administración municipal a través de medios electrónicos



## CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

1. Procedementos de contratación administrativa tramitados segundo o procedemento aberto regulado na Sección 2ª do Capítulo I, Título I do Libro III do Real decreto legislativo 3/2011 polo que se apróba o texto refundido da lei de contratos do sector público.
2. Procedementos de contratación administrativa tramitados segundo o procedemento restrinxido regulado na Sección 3ª do Capítulo I, Título I do Libro III do Real decreto legislativo 3/2011 polo que se apróba o texto refundido da lei de contratos do sector público.
3. Procedementos de contratación administrativa tramitados segundo o procedemento negociado regulado na Sección 4ª do Capítulo I, Título I do Libro III do Real decreto legislativo 3/2011 polo que se apróba o texto refundido da lei de contratos do sector público.

### DISPOSICIÓN ADICIONAL SEGUNDA

#### Creación doutras sedes electrónicas

Sen prexuízo do disposto nesta Ordenanza, os órganos e as entidades integrantes da Administración municipal, definidos no artigo 2 desta Ordenanza, poderán crear outras sedes electrónicas para o exercicio das súas competencias."

Modificar a Disposición final terceira que queda redactada do seguinte xeito:

"Terceira. Entrada en vigor

Esta Ordenanza entrará en vigor logo da súa publicación íntegra no Boletín Oficial da Provincia, e transcorra o prazo de quince (15) días o que se refiren os artigos 70.2 e 65.2 da Lei 7/85, de 2 de abril, reguladora de Bases de Réxime Local."

Bergondo, na data indicada na marxe.

A Alcaldesa. Alejandra Pérez Máquez"

...//....

Trala correspondente deliberación, e rematadas as intervencións, sométese o ditame a votación, que tivo o seguinte resultado: grupo municipal do PSdG-PSOE: cinco (5) votos a favor; grupo municipal de Son de Bergondo-Anova: dous (2) voto a favor; grupo municipal de Veciños de Bergondo: dous (2) votos a favor; grupo municipal do Partido Popular: dous (2) votos a favor, concelleira non adscrita: un (1) voto a favor. **Total doce (12) votos a favor.**

En consecuencia, pola Sra. alcaldesa declárase **aprobado, por unanimidade de votos a favor** o ditame que devén en acordo nos termos antes transcritos."

E para que conste, expido a presente certificación, coa salvidade do artigo 206 do R.d. 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais, por orde e co visto e praxe da alcaldesa.

Bergondo, na data que figura á marxe

A secretaria  
Ana María Cacharrón Castelos

Vº. Praxe. A alcaldesa  
Alejandra Pérez Máquez